

Panort, Pasuit" engeneral

E politico ta worde spera pa e movimiento studiantil cu a nombra un lider masha bravomes. E politico ta bin na e cita cu e grupo di estudiante y na ningun momento a mira e importancia di loke e alumnonan ta bringa pe. E hunto cu su coordinador/consehero ta trata e asunto na un manera superficial, y kier sigui dialoga y priminti (bla bla bla). E movimiento studiantil ta caba dividi den dos: un parti cu ta kere den un dialogo eterno (cu diplomacia) y e otro cu ta no kier sigui guli manda abao ni tuma mas palabra pero hechonan cla y esaki tambe a apunta un lider (bisti na carson di soldat). E di dos grupo cansa di "bla



**PROFAR'S
EDUCATION
INSTITUTE**

a division of Profar Consultancy N.V.
Director Drs. R. H. Michel

PROGRAMANAN PA HUBENTUD:

GUIA COMPLETO Y PROFESIONAL

DESPUES DI SKOL
pa alumnonan di
MAVO/ HAVO/ VWO
> Guia cu Huiswerk
> Apoyo Individual
> Atencion Special pa
pw/cp/so/y examen
> Metodonan di Studia

Cambia bo estilo di stud-
ia y mehora bo resul-
tadonan escolar !!

TESTNAN SICOLOGI- CO PA YUDA DETER- MINA BO:

Vakkenpakket
Futuro Estudio/ Profesion
Personalidad y Carácter
Capacidadnan escolar

Escohe debidamente cu
testnan profesional !!

COUNSELING Y AYU- DO PROFESIONAL PA HUBENTUD entre otro:

Tension y Depresividad
Miedo di faya pa examen
Problemanan familiar, es-
colar y personal

No warda te ta mucho laat.
Papia cu un profesional y
soluciona bo problemanan!!

Pa mas informacion:

YAMA TEL 27920

entre 10 am y 8 pm

Lucitta Michel-Calaire, mng.dir.



bla bla" a tuma ley den man y a persigui e politico y su coordinador te cu nan a laga nan "na werki". Mientras tanto e otro grupo no a bay di acuerdo cu e manera violento aki y na dado momento a surgi un discusion entre ambos, cu a caba den bringamento, cu consecuencia cu e lider trankil ta muri. Tur esaki ta sosode dilanti e cameranan di Bon TV, y su periodista cu ta hopi dinamico y semper ta unda cu "tin candela" ta puntra su mes y e publico si un dia lo mester

yega asina leu pa studiantenan bringa pa nan derechonan.

E obra ta mezcla realidad cu un poco di fantasia. Al fin y al cabo tur ser humano ta fabrica su propio fantasianan, loke riba su mes ta sano.

Na dado momento e presentacion por muestra un poco fuerte, y ta pone e publico reacciona sea indigna pa loke ta sosode cu e alumnonan, of hari cu e fondo satirico di e obra.

Juffrouw Bubi van der Hans-

Orman, directora di Colegio Paso Sigur ta worde bon imita. E ta un persona cu ta apoya su personal docente y alumnonan, pero tog su caracter ta pasivo y trankil. Den e acto aki e fantasia a worde usa como cu Bubi pronto lo baha cu pension, lo bay cas trankil y lo no carga mas e problemanan di limitacion y otro necesidatnan cu Colegio Paso Sigur tin.

Sinembargo Bubi lo no baha cu pension pronto, ni e lo ta desea esaki pasobra su cura-



zon ta den e school y e lo sigui lucha hunto cu su personal y studiantenan te ora tur loke nan mester worde logra.

Den e doblahe, Bubi a balia wals. Pero e no sa balia wals tampoco. Esaki ta muestra cu pa presenta un obra fresco y diferente, e aspecto ficticio no por falta, si no, e no ta un comedia.

Esaki ta parti di e apreciacion di e redactor mes di e seccion aki, pues e manera con el a mira e actuacion y con el a tuma su mensahe. Logicamente cada espectador ta saca su propio conclusion cu no necesariamente mester cuadra cu e resto. Pero den sintesis e tema a bay rond di un problema cu mester worde resolvi pa Colegio Paso Sigur por funciona manera mester ta!

Seccion Hubentud den Movecion kier sembra den e curazon di nos comunidad e semia di curiosidad pa bin wak e obra aki diarazon otro siman. No solamente e mayornan y famianan di e studiantenan cu ta actua, pero docente y alumnonan di otro schoolnan cu kizas tambe tin cierto problemanan y por identifica nan mes cu Colegio Paso Sigur, y no menos e publico en general amante di teatro cu kier biba cu aspectonan cu kizas no tur hende ta conoce, na un manera entretenido y hopi simpatico.

Finalmente, ohala nos politiconan lo ta sinta na prome fila, di un banda pa hari barica yen y di otro pa reflexiona cu alma, mente y curazon...